

臨證指南醫案卷一

許關李大瞻翰圃

古吳葉桂天士先生著 錫山華南田岫雲同較

邵銘新甫

中風

此方平補、並無、用、補熱之弊

肝腎虛
內風動

錢

偏枯在左血虛不榮筋骨內風襲絡脈左緩大

製首烏 四兩 烘

枸杞子 去蒂 二兩

歸身 二兩用獨枝者去梢

淮牛膝 二兩 蒸

明天麻 二兩 麩煨

三角胡麻 二兩打碎水洗十次烘

黃甘菊

三兩水煎汁

川石斛

四兩水煎汁

小黑豆皮

四兩煎汁

案中著點者標
出病症所在與
方之合否相對
方合者圈不合
者豎



醫

臨

案

證

評

指

本

南

道光甲辰仲冬

蘇州周氏藏板

微菴題



蘇州交通圖書館精造書籍



夫事之最切於日用者
莫如醫故自軒岐道興
而靈素以下代有名人
歷有著述盧扁以後如
仲景所著傷寒金匱直

啓靈蘭之秘洩玉版之
文至若河間東垣丹溪
亦迴出凡流合仲景稱
爲四大名家傷寒暨雜
證之治療法云備矣世

咸宗之但仲景之書辭
義古奧雖經諸名家之

註疏亦未能盡晰其理

近代以來薛立齋張景

岳喻嘉言等皆本之靈

素或作或述其於諸證
皆有發明迨柯韻伯所
註傷寒能獨開生面惜
其書尙未廣行於世其
他則間有心悟闡揚亦

不能無偏執之弊矣我
皇上仁育爲懷命太醫院考

覈前賢精義彙輯金鑑

錄一書頒行海內集諸

賢之大成開後人之心

法壽世福民孰有善於

此哉夫醫者意也方者

法也神明其意於法之

中則存乎其人也父子


不相授受師弟不能使

巧也吳閬葉君天士稟
賦靈明造詣深邃其於
軒岐之學錯綜融貫處
方調劑立起沉疴故名
播南北所遺醫案與方

膾炙人口華君岫雲婆
心濟世輯而成帙別類
分門將付剞劂而請序
於余余繙閱再過實足
以啓迪後人使好學深

思者觸類引伸未必非
濟世之一助至進而求
其所以然彼靈素諸書
具在而心領神會則又
存乎其人也云爾

乾隆二十九年歲次甲
申秋七月旣望吳江李
治運題於太薇清署



醫之為道微矣七情六
氣之感病非一端溫涼
寒熱之性藥非一類非
天資高妙者不可以學
醫非博極羣書者亦不

足以語醫也。今之醫者，
或記醜而不精於審脈，
或審脈而不善於處方，
或泥古而不化，或師心
而自用，或臨症不多，或

狃於偏見不能已疾而
轉以益疾又烏可以言
醫哉吳門葉天士先生
天分絕人於書無所不
讀終身不能忘其視脈

也不待病者相告語而
推述病源有病者思而
後得之者不啻日周旋
於病者之側而同其寢
興飲食孰其喜怒驚悲